

Dr. Henry Habibe: "Mi ta partidario di e ortografía fonológico di Papiamentu y sagradamente mi a sali na su defensa"

ORANJESTAD- E linguista Dr. Henry Habibe tabata na Aruba pa un par di día y nos a probechá pa combersá un rato cuné tocante su mes, literatura pero mas ainda nos a papia di nos dushi idioma Papiamentu. Henry Habibe tabata na Aruba riba invitacion di Amy Lasten di Instituto di Cultura, relacioná cu e tayernan di "skirbimento di cuenta". Papiamentu, un idioma cu nos por haci asina hopi cuné. E idioma den cua nos ta expresá nos mes, e idioma cu nos ta usa ora nos ta discutí, debatí, combersá, haci redo, pleita y declará otro amor. Henry Habibe ta un defensor masha grandi mes di nos lenga cu e lo kier mira conservá di tur manera.

Algo cu a resaltá masha hopi mes den nos conversacion tabata cu Henry Habibe ta e promé persona cu mi a yega di entrevistá cu durante henter e entrevista no a haci uso di palabranan Ingles of Hulandes. Na Aruba nos tin e tendencia cu ora nos ta papia Papiamentu nos ta haci masha hopi uso mes di palabranan Hulandes of Ingles pa expresá nos mes mihó. Esaki no ta necesario, segun Henry Habibe, si nos haci un tiki esfuerzo, nos lo papia un mihó Papiamentu.

BDA: Bo a bai school aki na Aruba y despues bo a bai Hulanda pa studia Spaño na Nijmegen. Conta nos algo die tempo ey.

HH: Mi a caba MULO na St. Dominicus College aki na Aruba na 1956. E tempo ey ainda no tabatin HBS na Aruba. Mi a bai Hulanda pa sigui HBS, cu mi a caba na Oldenzaal na 1961. Despues mi a bai Nijmegen, na unda mi a cumenzá mi estudio di Spaño, aunke tabata asina cu e tempo ey pa bo studia un idioma na Universidad tabata wordo exigí cu bo mester bai gymnasium, loke mi a haci tambe.

BDA: Bai studia na Hulanda den añanan 50 tabata un sorto di aventura, ya cu no ta tur hende tabatin e oportunidad pa bai Hulanda e tempo ey.

HH: Correcto. E tempo ey bo ta bai Hulanda no masha prepará. Bo ta hayabo den un comunidad completamente otro,

straño, pero mi a lidia.

Mi a lidia cu e strañeza.

BDA: Despues bo a bin traha na Colegio Arubano dunando les di Spaño. Bo a haya satisfaccion den esaki?

HH: Si, esey ta durante e periodo 1971-1977. Mi a traha cu masha placer na Colegio Arubano. Compolaga, pasobra mi a haya e oportunidad pa siña muchanan loke ami sa. Ta e pueblo aki a mandami bai studia na Hulanda. Kiermen cu ora mi a bini bek tabata un gran placer pa siña e muchanan lo solamente Spaño, pero tambe loke ta wordo yamá consciencia. Mi tabata laga e muchanan debatí y discutí cu otro a base di literatura cu ta yen di filosofía, situacionnan social, situacionnan socio-económico y político. Mi tabata laga e muchanan tene discursonan na Spaño y asina e muchanan tabata haya cierto grado di consciencia.

BDA: Kico bo a haci



Dr. Henry Habibe: "Si gobierno sigui asina y ta Papiamento lo bira un tutu y lo wordo habraká"

despues di a bai for di Colegio Arubano?

HH: Na 1977 mi a bai Puerto Rico cu mi famia. Mi a haya un subsidio, bo por yamé un encargo di e fundacion WOTRO (Wetenschappelijk Onderzoek voor de Tropen, Red.) cu ta un instancia Hulandes, pa haci estudio na Universidad di Río Piedras. Mi a keda un aña eynan y for di eynan mi a biaha pa Miami, na unda tin un biblioteca universitario, Coral Gables y tambe pa Washington pa busca cierto periódiconan y revistanan di e tempo cu e poesía cu tabata wordo yamá Afro-Antiyanu, di Cuba y Puerto Rico a nace.

Mi a busca corantnan y revistanan di añanan 30.

BDA: Ki tempo bo a lanta e revista literario "Watapana"?

HH: E revista literario "Watapana" a wordo fundá na Hulanda caba na aña 1968

Hendenan cu hunto cumi a lanta e revista ta Andy Daal, kende awe ta un profesional

riba terreno di teatro na Hulanda, Gertrudis Pestana y Oswald Kwast. Esakinan ta e personanan cu for su comienzo tabata presente den e revista Watapana.

BDA: Kico e revista aki tabata publicá exactamente?

HH: Nos tabata publicá literatura, tanto poesía como proza. Tambe nos tabata publicá articulonan encuanto Papiamento, pues articulonan linguistico encuanto e origen di Papiamento. Di unda Papiamento ta bini. Nos tabata publicá ensayo tocante literatura pa na dado momento hende comprondé e literatura tambe. No tabata nos intencion pa djis pone proza, sea ta cuenta of poesia, pero tambe nos kier a siña nos lector dor di gufa nan den e materia.

BDA: Di unda Papiamento ta bini?

HH: Tin diferente teoría. Un teoría cu pami ta masha aceptabel ta esun cu ta bisa cu Papiamento a nace caba for di

tempo cu nan tabata busca e catibonan na costa occidental di Africa. E catibonan ey tabata bini hunto na costa y for di eynan nan tabata wordo treci pa Corsow. Corda bon cu nan tabatin un idioma aya caba cu tabatin un carácter Afro-Portugues. Portugues e tempo aya, hopi hende no sa, tabata masha extenso. E negociantenan di e tempo aya tabata papia un idioma cu tabata derivá for di Portugues. Anto claro cu e influencia di e Africanonan cu a bini aserca a bira un mezcla. E origen di Papiamento ta Afro-Portugues. Un teoría e ta y tin hopi estudio cu a wordo haci riba e materia aki.

BDA: E revista Watapana na cierto momento a stop di existí. Pakiko?

HH: Watapana a biba 4 aña, di 1968 pa 1972. Mi tin cu bisa cu ta un lástima cu el a caba. E motibo ta simplemente problemanan financiero. Na un dado momento e gastonan di imprenta a subi y tambe tabatin basta abonado cu no tabata contribuí cu mester a stop di imprimí Watapana. No tabata asina cu no tabatin hende entusiasma pa traha, esey no tabata e caso.

BDA: Poesianan cu ta rima ta otro cu poesianan di compromiso?

HH: Rima ta algo masha característico di poesía. Sea cu poesía tin su carácter di compromiso of no, e por rima ainda. Tuma p.e. un poeta manera Nicolas Guillén, kende tabata un poeta sumamente comprometí revolucionario. Awor no kere cu no tin rima den su poesía. Tin rima, tin musicalidad. Poesianan di compromiso (engagement Red.) ta nificá cu ora e poeta ta skirbi su poesía, e ta comprometé su mes pasobra e ta skirbi tocante aspectonan social, político - den caso di Guillén - y tambe racial. E ta protestá den un sociedad y asina su poesía ta haya e carácter di compromiso.

BDA: Tabata posibel pa

un persona manera Guillén por a skirbi poesianan asina na Cuba, den tempo di Batista?

HH: Wel, den cuminzamente e poesía di Nicolas Guillén - mi ta papia aki di añanan 29, 30 pariba - su poesía tabata basta racial caba. E tabata un sorto di poesía caminda bo ta nota cu e tabata protestá contra e prehuicionan racial na Cuba. E tabata publicá su poesianan, pero no ta tur hende tabata gusta e sorto di cosnan cu e tabata bisa via di su poesianan. Pasobra na Cuba tambe y e tempo aya sigur tabata asina cu hendenan cu no ta preto no tabata gusta cu cosnan positivo di hende preto tabata wordo bisá. E cultura di Cuba, p.e. nan música, ta di origen Africano e ta. Nicolas Guillén tabata skirbi su poesianan tabata basá riba e son-montuno di e música di awendia cu nos tur ta gusta, cu ta salsa, y e hendenan tabata reaccioná di e manera aki: "Ta kico esaki. Esaki no por ta poesía, pasobra bo ta usa cosnan di hende preto", pero el a pusha, sigui skirbié durante hopi aña. E tabata un partidario y simpatizador di Fidel Castro. Den añanan 30 pariba el a hayé den un problema político, no lubidá cu tabata tempo di Batista, cu e mester a bai afó. El a bai den exilio. Te ora cu Fidel Castro a bin tuma mando, Nicolas Guillén a regresá Cuba.

BDA: Despues di e estudio cu bo a haci na Puerto Rico riba e poesía Afro-Antiyanu, bo a dicidí pa skirbi un tésis y doctorá riba e tema aki?

HH: Corrécto, mi a skirbi un tésis cu tabata yama "El compromiso de la Poesía Afro-Antiyanu de Cuba y Puerto Rico" y na 1985 mi a defendé esaki.

BDA: Henter e defensa aki a bai na Spañó?

HH: No, mi a skirbi e tésis na Spañó, pero e defensa a bai den e idioma Hulandes. Na un dado momento mi mes a deseá

pa e tésis tabata skirbí na Spañó y esaki no a duna problema. Normalmente ta asina si cu ta na Hulandes nan ta wordo skirbí, pero den mi caso tabata asina cu ta Hispanista mi ta y mi catedrático a haya un bon idea pa mi skirbi mi tésis na Spañó, ya cu na mas paisnan e por wordo lesá.

BDA: E catedrático aki tabata un Hulandes?

HH: Si, e tabata un di e expertonan di e idioma Spañó. Su number tabata Jan Lechner.

BDA: "Lanta para, Watapana", ta un poesía di bo cu ta mashá conoci. E ta bai tocante di un pueblo cu mester lanta para pa su identidad...

HH: Un pueblo trahadó. Kizas ta bon pa mi cuminzá cu lo siguiente. E poema ey mi a skirbié na aña 1965. E tempo ey tabatin e retironan di Lago. Lago tabata manda su hendenan cas, e tabata desempleá cierto trahadónan. Mester tene cuenta cu mi papa difunto tabata un



da pa introduci Papiamentu na school, e ora



pinta un indjan den bo cara
y claba bo flechanan den
e shelo di plata
ranka vigor for di bo
brazo
y graba victoria den bo
palo di bandera.

BDA: Hopi bunita.

HH: E ta un di mi
poemanan masha gustá mes.
E ta wordo hopi usá.

BDA: Despues di tanto aña
di discusionnan, ainda nos no
tin un consenso riba con ta skirbi
nos idioma Papiamentu. Te
ainda aki na Aruba nos ta skirbi
Papiamentu na un manera,
Corsow ta skirbi Papiamentu
na un forma fonológico y den
resto di Antiyas tambe ta skirbi
diferente di otro. Tur e islanan
di Caribe ta skirbi y papia
Papiamentu na un otro forma.
Kico bo ta opiná di esaki?

HH: Mi ta lamentá esaki.

Mi ta lamentá cu tin tres isla,
Aruba, Corsow y Boneiro,
caminda cu nan ta papia
Papiamentu, claro cu cierto
diferencianan chikito, cu no por
logra na un ortografia, na un
manera di skirbi uniforme. Un
dado momento, e ortografia
fonológico, no ta manera e
hendenan na Aruba ta kere cu ta
algo di Corsow e ta. Esaki no ta
e caso. Fonología ta nificá cu
bo ta usa un signo pa un sonido.
Si un dado momento nos tende
e sonido "k", nos mester bin na
un acuerdo si cu ta un "k" nos
mester skirbi. Kier men cu no
mester pensa cu e palabra "cas",
ta wordo skirbi cu un "c" no,
nos ta combiná cu semper ta un
"k" nos ta usa den e caso di e
sonido di "k". Awor na Aruba
lamentablemente ta asina cu
mayoría di hende ta insistí di
skirbi Papiamentu manera
Spañó. Mi no ta mira pakico.
Nos sa masha bon cu cerbez ta
bini di cerveza. Nos ta tende cu
e ta cumenzá cu "s" y mescos cu
nos a scohe awor ey e "k" pa e
sonido ey, nos ta scohe e biaha
aki nos mester skirbi un "s" y
un "b" di manera cu nos ta
skirbi "serbes". Si nos bai tras

di e ortografia Españó, nos ta
pega barco. Ortografia Españó
ta masha inconsecuente, tin
biaha ta usa "b", tin biaha ta
usa "v". Laga nos ta
consecuente y e parti lógico ta
esun mas adecuá y propicio pa
siña muchanan con pa skirbi
Papiamentu.

BDA: Pero, te ainda no tin
un consenso con ta skirbi
Papiamentu.

HH: Esaki ta di lamentá y e
ta stroba. Mi ta dunando tayer
ya for di aña pasá caba encuanto
skirbimento di cuenta na Aruba.
Mi ta ripará cu tur e cuentanan
cu mi ta haya pa corregí, y tin
masha hopi interes mes pa e
tayerman, cu persona A ta skirbi
Papiamentu asina, persona B ta
skirbi asana y persona C ta
skirbi asano. Kier men cu ta un
tutu e ortografia di Aruba ta. Si
nan a dicidí pa fihá un ortografia
di Aruba cu ta uno político, un
ortografia cu no ta etimológico,
un ortografia di capricho, cu a
wordo aceptá dor di Parlamento
na 1976, ya cu a dicidí pa tal
ortografia, percurá e ora anto
pa tur hende conocé.

Si antes na Corsow tambe e
ortografia tabata un tutu, un
caos, awe nos ta mira cu hopi
corant y sigur literatura si ta
skirbi fonológico. Mi ta
partidario di e ortografia
fonológico y sagradamente mi
a sali na su defensa. Mi a pensa
cu un dia, mi ta spera cu promé
cu aña 2000, ta esey ta bira e
ortografia di Papiamentu. Na
Corsow nos ta bayendo den bon
dirección y na Aruba ainda e ta
un tutu.

BDA: Na Corsow, unda
bo ta biba, nan sa bisabo cu bo
ta papia e Papiamentu di
Aruba?

HH: Si, pero e Papiamentu
cu ami a lanta ta papia-ta esun
di Aruba y pami esaki ta un
orguyo. Si nan bisa cu mi ta
canta Papiamentu à la Rubiano,
mi ta goza. Pakico no.

BDA: "Aurora" ta un
coleccion di poesia di bo
tambe. Tocante di kico e
poesianan aki ta bai?



HH: Aurora ta nificá ora cu
dia ta habri, pero bo mester
miré metafórico, pero poético.
Nan ta poesianan amoroso,
caminda un diálogo ta tuma
luga. For di cuminzamento te
na final. Tur e poesianan ta
papia di ami y bo. E ami ta un
persona cu bo ta stima. E per-
sona ey a haya e nomber di
Aurora. E persona ey ta biba
den cosmos y mi ta buské. Na
cuminzamento e ta bai tocante
di amor terrenal y despues e ta
un amor spiritual. Na dado
momento e relaciona caba, pero
toche e stimacion a keda. Y esaki
ta loke mi ta borda riba dje.

BDA: Mi ta haya cu último
tempo Papiamentu ta
deteriorá. Nos ta usando hopi
palabra Ingles y Hulandes pa
expresá nos mes. Bo ta kere
cu esaki ta e cuminzamento di
e fin di Papiamentu?

HH: No, no necesariamente.
Mientras nan no introduci
Papiamentu na school, e ora ey
si. Si gobierno keda tarda pa
introduci Papiamentu na school,
e ora Papiamentu lo no muri,

pero si e lo bira un tutu. E ta
haya influencia di Ingles, Españó
y Papiamentu ta wordo habraká.
Esaki ta un flohera di hende,
pasobra nan no kier haci un
esfuerzo. Nan mester lesa bon
buki y papia conscientemente.
Si tin expresionnan cu ta exigí
palabranan na Papiamentu,
mester haci uso di esakinan. E
hecho cu mi tabatin e suerte di
a topa cu Luis Daal tempo mi
tabata studia na Hulanda, a
yudami masha hopi mes. E
tabata biba na España, pero mi a
keda skirbié semper. Papia
Papiamentu bon y bunita, tabata
manera Luis Daal tabata papie.

BDA: Laga nos caba e
entrevista aki cu parti di un
poesia.

HH: José Manson, mansa
tumba, mansa repa, mansa pan,
pan bati cu pekele, Wanton di
Manson José. (parti di "kende
nos kier tumba" di e coleccion
Ceresentenchi).

Entrevista: Myriam Croes
'Fotos: Elizabeth
Guanipa

trahadó di Lago. E situacion ey
a garmi, a emocionami. Lago,
un multinacional, ta manda nos
hendenan cas, pa ki motibo cu
ta. Mi tabata preocupá. Claro,
cu como poeta bo no ta skirbi
"Lanta para, trahadó, of obrero.
Den poesia esaki ta otro. Den
poesia bo ta usa imágen,
metáfora. Bon, e palo di
Watapana ta uno masha diki
mes di Aruba y e no ta un palo
cu ta pará doblá. E ta simbolizá
pami e pueblo cu ta traha, pero
cu ta doblá, pasobra e ta wordo
explotá. Ami na un manera
poético ta bisa e ora cu e palo di
Watapana mester lanta para.

(Henry Habibe ta declamá e
poesia aki pa mi na un forma
escalofriante. Bunita y
acogedor. Red)

Lanta para, Watapana
Baha baranc'i nostalgia
for di lomba
doblá te na tera
Lanta bo curpa na laria
manera cadushi sabana
hancrá den trankera

Lanta para, Watapana